



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Vt præter scientiam domini sui, seruus non efficiatur monachus. xxiii.

**urn:nbn:de:hbz:466:1-10722**

lis. Et non sunt consecrandæ alio tempore, nisi in Epiphania, & albis Paschalibus, & in apostolorum natalitiis, nisi causa mortis urgente.

*Quod de sponsatam puellam alij viro non sit licitum dare, monasterium autem licet eligere si vult. Ca. XIX.*

*Ex decr. Eusebii papæ, ca. 10.* **D**Esponsatam puellam non licet parentibus dare alij viro, tamen monasterium licet eligere, si voluerit.

*Vt aliquis incognitus, non citò in monasterio monachorum recipiatur. Cap. XX.*

*Ex cõcil. Toletan. cap. 5.* **S**I aliquis incognitus monasteriũ ingredi voluerit, ante triennium monachi habitus ei nõ præstetur. Et si intra tres annos, aut seruus, aut libertus, vel colonus quaeratur à domino suo, reddatur ei cum omnibus quæ attulit, fide tamen accepta de impunitate. Si autem intra triennium requisitus non fuerit, postea quaeri non potest, nisi sit tam longè quòd inueniri non possit, sed tantum ea quæ in monasterium adduxit, dominus serui recipiat.

*De clericis qui monachorum propositum appetunt. Caput XXI.*

*Ex eodẽ, cap. 50.* **C**Lerici qui monachorum propositum appetunt, & meliorem vitam sequi cupiunt, liberos eis ab episcopo in monasteriis largiri oportet ingressus, nec interdici propositum eorum, qui ad contemplationis desiderium transire nituntur.

*De virginibus sacris, quæ propter districtiorem vitam ad aliud monasterium ire disposuerint.*

*Caput XXII.*

*Ex cõcil. Triburi. cap. 11.* **V**irgines sacrae, si pro lucro animæ suæ, propter districtiorem vitam ad aliud monasterium pergere disposuerint, ibidemque commanere decreuerint, synodus cõcedit. Si verò fuga disciplinae alium locum quaesierint, perire cogantur.

*Quo estitu virgines ad consecrationem venire debeant. Cap. XXIII.*

*Ex cõcil. Carthagi. ca. 11.* **S**anctimonialis virgo, quum ad consecrationem suo episcopo offeratur, in talibus vestibus applicetur, qualibus semper vsura est, professioni & sanctimoniali aptis.

*Vt præter scientiam domini sui, seruus non efficiatur monachus. Cap. XXIIII.*

**P**lacuit in monasteriis non esse suscipiendum seruum *Ex cõcil. Arelatē. cap. 4.*  
 ad monachum faciendum, præter proprii domini voluntatem. Qui verò hoc constitutum nostrum excesserit, eum à communione suspendi decreuimus, ne nomen domini blasphemetur.

*De illo qui seruum alienum, causa religionis, docet contemnere dominum suum. Cap. XXV.*

**S**i quis seruum alienum, causa religionis, docet contemnere dominum suum, & recedere ab eius seruitio, durissimè in omnibus arguatur, & ad pœnitentiam compellatur. *Ex cõcil. braggar. cap. 47.*

*De fugitiuis clericis. Cap. XXVI.*

**F**ugitiuum verò clericum, aut monachum deserentem disciplinam, velut contemptorem placuit reuocare. *Ex decret. Leonis papæ.*

*De secularibus, si se semel per religionem totonderint, & post laici efficiuntur. Cap. XXVII.*

**Q**icumque ex secularibus accipientes pœnitentiam se totonderunt, & rursus præuaricantes laici effecti sunt, comprehensi ab episcopo suo, ad pœnitentiã *Ex cõcil. Toletan. s. c. ap. 5.*

ex qua recesserunt, reuocentur. Quòd si aliqui qui per potentiam irreuocabiles sunt, nec ad moniti reuertetur, vetè vt apostatè coram Ecclesia anathematis sententia condènantur. Non aliter & hi qui tonsi collaudantibus parentibus fuerint, se ipsos religioni deuouerunt, & postea habitum secularem sumpserunt, & iidem à sacerdote comprehensi, ad cultum religionis acta prius pœnitentia reuocentur. Quòd si reuerti nolunt, verè vt apostatæ anathematis sententiæ subiiciantur. Quæ forma seruabitur, etiam in viduis virginibusq; sacris, ac pœnitentibus fœminis, quæ sanimoniam habitum induerunt, & postea aut vestem mutauerunt, aut ad nuptias transierunt.

*Vi seruus in monasterium non recipiatur, nesciente domino suo. Cap. XXVIII.*

*Ex cõcil.*

**N**illum verò recipere in monasteriis seruum obtentu monachi, præter domini sui conscientiam licet. *Chalced. cap. 4.*